



Maalumat Nama

Górgwá Saásita Tákoon Bálá

Coronavirus
(COVID-19)

Tuñár sehét óiye dé Australian Hókúmot or ahám ham. Korunaváires (KOVID-19) óttu tuñáre bassoon eçé cáamel asé.

Tuñár gór ot ziyarot gorér dé buráburí saásita goróiya ókkol é zoruri todbir ókkol beggún ekteyar goríbó tuñúi maháfuz tákóor dé hían óre yekini banaibólla.

Hoñótte héfazóti sámán estemal gorá fore de hían ór babote Australiar Elaaji Bor Ofísár ór torfóttu lamar nosíyot eçé cáamel asé.

Tuáñr boc ola dekbal hamgoróya ttú zati héfazoti sámán fiñdá foribóu eçé másk ókkol, mouza ókkol, goón ókkol, arde héfazoti suk gór fiñdá cámil asé zodi tuáñr zagat zorurot fore.

Tuñár buráburí saásita goróiya ttu zaati héfazoti sámán findá foribó zodi:

- Tuñáre cek gorí KOVID-19 dóráháiye
- Tuñáttu KOVID-19 asé boli cubá gorázar
- Tuñáttu KOVID-19 ór alamot ókkol deházar

KOVID-19 ór alamot dehá derdde honó buráburí saásita goróiya ham goróon maná - ar etminan ollá boli, alamot wala ham goróiya ókkol óre theés gorázar.

KOVID-19 óttu tuñáre adde hítára nizoré basaibólla boli buráburí saásita goróiya ókkol é ekbere bálá elaaji nosíyot maner.

Aró mocwara

KOVID-19 ór babote aró zanibólla meérbáni gorí Wotóni Korunaváires Modotlain oré **1800 020 080** ot koól goró yáto [health.gov.au](https://www.health.gov.au) ot zaisó.

Zodi tuñúi modoti hémdot ókkol ór babote aró zanibólla sailé, My Aged Care óre **1800 200 422** ot koól gorí talluk goró.


Tuñár saásitar hémdot ókkol, yáto saásita goróiyar babote tuñáttu sinta ókkol tákíle, meérbáni gorí tuñár buráburí saásitar kérmoz doiya loi talluk goró.



Korunaváires óttu tuñár nizoré basa

Oinno manúic loi milzúl gorár cómot bálá sófáyi adde ehétéyat gorá óiye dé korunaváires óttu tuñár nizoré adde fémilí ré sóbsé bálá basooni. Eçé cáamel asé:

- kinkini yáto ekkán thicú habos loi tuñár hañcáni adde háñccaní ré záfái rakoon
- estemal goijja thicú ré sátár dhulat fóurón félai doon ar tuñár duní hát dúi felóon
- tuñár duní hát óre sábún adde faní loi dúi felóon, eçé cáamel asé háná háiibar age adde baade, ar thaththit zai baade, ar zehón tuñúi duwan ókkol yáto oinno zaga ókkol ót neelibá
- elkohól-buniyad hát sáf goróoni (60% elkohól) estmal goróon, zeçé táké
- barbar dóráza de jiníc ókkol ar dhák ókkol sáf goróon ar fuk maroon
- gór ot tákó ar oinno zon loi jisími bazábazí gorá attu baso, hálí tuñáttu modot yá kérmoz lagilé noó
- be-zoruri sófór óttu basi tákó
- dabai biyari ye tuñár dabai ókkol gór ot barái diya ré etebar goró
- tuñár bazu mal ókkol adde zoruri jiníc ókkol óre tuñár gór ot barái diyazoon oré etebar goró
- oinno manúic óttu 1.5 mithár — 4 hát — duré tákó, zodi farilé



Tuñár sehét saásita goró

Tuñáttu niyomi górgwá saásita adde sehét saásita ré jari raká foribó. Korunaváires óttu tuñár nizoré basoon zeén dorhari yaán ó héen dorhari..

Tuñár dhakthor loi niyomi talluk raikkó ar tuñár honó sehéti abostá ókkol ór babote tuñáttu sinta óile hítáraré koól goró. Hítára tuñáre phún yáto theli-konfréñs or zoriya kérmoz difaribó, ar muká-mukí saásita gorá ehón ó moujud asé.

